



МИОПИЯНИНГ ПРОГРЕССИРЛАНИШИДА БЎЙИН УМУРТҚА ПОҒОНАСИ ПАТОЛОГИЯСИНИ ЎРГАНИШНИНГ ЎРНИ

Файзиева Д.Б., Мирзаев Д.А., Рахимов А.Ф.

Долзарблиги. Кўпгина олимлар томонидан миопиянинг ривожланишида омиллардан бири дея бўйин соҳасидаги умуртқа поғонасининг патологиялари деб таъкидланиб татқиқодлар олиб борилган ва изланишлар давом эттирилаяпти. Бўйин соҳаси умуртқа поғонасидаги кўз билан боғлиқ анатомо-топографик ўзига хосликни ҳисобга олган миопиянинг ривожланишида ва прогрессивланишида омиллардан биридир.

Мақсад. Миопия ривожланиши ва прогрессирланишида бўйин соҳаси умуртқа поғонаси патологиясининг ўрнини аниқлаш ва таҳлил қилиш.

Материал ва текширув усуллари. Мурожаат этган беморлардан миопиянинг турли даражалари билан 67та (130та кўз) бўйин соҳасидаги умуртқа поғонасининг патологияси билан қўшилиб келганларда текширувлар олиб борилди. Беморларда умумофтальмологик текширувлар билан биргаликда умуртқа поғона рентгенографияси, компьютерли реовазография ёрдамида умуртқа поғона қон томирларида гемодинамикани ўрганиш.

Муҳокама. Текширувлар натижасида бўйин умуртқа поғонаси артерияларда қон айланишининг бузилиши бўйин соҳасидаги умуртқа поғонасидаги патологик ўзгаришлар миопиянинг прогрессирланиши билан биргаликда кечиши кузатилган. Барча беморларда ретинал артерияларнинг торайиши кузатилди. Каротид бассейнда 96%га веноз оқимнинг қийинлашгани аниқланди, бу ҳолат умуртқа артериялар бассейнда ҳам кузатилди. 55% беморларда мия артериолаларида гипертензив ангиопатия 8,6% беморларда эса гипотоник ангиопатия кузатилди. 17% беморларда вертебробазилляр бассейнда пульсли қон оқимининг 4 даражали пасайиши, Рефракцион ўзгаришлар (-)0,25D-(-)3,00D 35,2%ни ташкил этган бўлса (-)3,25D-(-)6,00D





34%ни ва (-)6,25D ва ундан юқориси 30,8%да кузатилди.

Хулоса. Текширувлар шуни кўрсатдики умуртқа поғонаси патологиялари оғирлик даражасига қараб вертебробазиляр бассейнда, умуртқа артериясида қон айланиши бузилиши кузатилади. Миопиянинг прогрессивланишига олиб келадиган факторлардан бири бўйин умуртқа поғонасидаги патологияларнинг даражасига ҳам боғлиқ. Миопияни патогенетик даволаш мақсадида бўйин умуртқа поғонаси патологиясини инкор қилиш керак, бу эса ўз навбатида мақсадли даво муолажасини олиб бориш кераклигини кўрсатади.

